

有正味齋詩集

有正味齋詩集卷三目錄

錢塘 吳錫麒 聖徵

翕羽齋集

尋春

泛舟出東新關至臯亭看梅

繇金家堰步至崇先寺

悟空禪院小憩遂抵伏虎院

桐塢

月明庵

綠陰

同黃相圃

模

姚春漪

明

勤黃玉階

基

泛舟至丁家山觀

荷值雨四首

岳忠武王墓

三竺道中

西湖感懷

吳山秋眺

蘭橋

葛嶺二首

湖上晚歸

雲居聖水寺

艮山野望同杭堇浦先生

世喚

倪丈嘉樹

一擊

何春渚

璵

黃柏圃姚春漪黃玉階倪小迂孫竹虛

錫分韻

讀明史十首

孤山探梅

渡湖至金沙港

遊韜光坐金蓮池上

下天竺寺後尋三生石

晚過集慶寺循普福而歸

錢武肅王祠

癸巳正月十三日黃相圃招同人游祥符寺用東坡九

曲觀燈詩韻

舍弟

錫麟

將有山西之役感今追昔愴然于懷成排律

一百六十韻

食蟹二十四韻

登六和塔

橫山道中

送胡竹城渡江

聞雁

棲霞嶺

正月七日同黃相圃岫雲上人過昭慶僧舍與家西林

先生

穎芳茶話

觀燈行同沈梅村

赤然作

丁家山觀桃花同項蓮峰

朝蔡作

清明

百步塘水月老人故居

并序

同黃相圃星橋昆季渡湖游慈雲嶺登鳳凰山絕頂尋
御教場故址下山經月巖值雨至勝果寺小憩復游
梵天講寺訪靈鰓井及錢王雙石幢際晚冒雨而歸

得詩四首

謝友人送蠟梅

答胡竹城

有正味齋詩集卷三

錢塘 吳錫麒 聖徵

翁羽齋集

尋春

蓬蓬渾不遠，益益竟難名。
酒熟花初發，天晴草亂生。
何來南浦恨，不盡夕陽情。
破得青山笑，流鶯又一聲。

泛舟出東新關至臯亭看梅

春風吹艣聲，搖曳在烟際。
溯游從迴波，謀野獲新霽。
柳條綠已舒，草脚青尙細。
微微臘松雪，稍稍出山髻。
前村暝逾深，遠樹明復翳。
徐聞鐘磬招，願結瓶鉢契。
人來僧語熟，月大寺門閉。
三匝繞花身，讚以妙香偈。

繇金家堰步至崇先寺

山曉意較寒竹風助蕭蕭青帘隱茅屋沽酒人過橋野氣散氤
氲隴畔麥已苗流泉出花裏漠漠香暗漂循溪路屢轉寓目春
漸饒塵跡感初梅寺為宋顯仁皇帝勅建物情榮故條窓前何年樹白雲吹
不消茗椀坐其下其上橫山椒

悟空禪院小憩遂抵伏虎院

策屨快斯遊登頓不辭憊天冷汗已揮松風吹一快翠羽無喧
聲悄然入香界羣花矜玉照光滿路爲隘愈上愈出奇晴空萬
梢畫雲邊禮塔還鳴泉答幽語山君馴不擾梅祖老當拜唐李種梅自題
蕭遠始居人就佛問燈傳吟詩破禪械斜陽轉花陰色比衲衣壞

桐塢

長松入雲裏見雲不見松直出松頂上雪又迷數峰逆鼻梅檀
香過耳閤梁鐘禪棲據沃壤花氣諸天濃冥冥宿霧并習習微

風從鱗甲忽搖動身疑驂玉龍

月明庵

暝色起峰頂花枝亦生寒遙空湛虛白疑是山月殘踏影入寺
門畫格橫石闌一僧輟誦經邀我坐蒲團風泉肅清聽雲水資
靜觀拈花開笑口彌勒能同歡心遠翫物閒候謝挽景難重遊
約煮笋空林響梅丸

綠陰

絲吹過晝生寒一徑陰陰鎖石闌濃淡似兼烟翠活淒迷不
夕陽殘時閒墜果當堦響略逗餘花借客看惆悵年年秋色
裏馬蹄踏碎葉聲乾

同黃相圃

模

姚春漪

思勤

黃玉階

基

泛舟至丁家山觀

荷值雨四首

柳風吹縐碧琉璃湖口濛濛雨脚垂涼殺風標雨公子荷花十里洗頭時

雲影烟光望裏過風裝水佩渺如何忽翻高柳三升墨不是催詩雨亦多

跳珠傾瀉綠盤中水葉香搖面面風覓著荷心最清苦一枝已卸可憐紅

羣峰如畫照船頭歸去閒雲白似鷗波面萬荷喧已定夕陽無語一蟬秋

岳忠武王墓

目極中原地英雄萬古歎長城先自壞半壁竟偷安少保威名重平生忠孝殫君王甘屈膝臣子願披肝克敵除飛到論兵撼岳難義旗天半卓匹馬陣中盤唾手燕雲復迎軍父老歡功將

俾郭令魂已落曹瞞姦相方持柄書生解叩鞍金甲齊一哭玉
帳罷諸團未洗青衣辱翻教碧血寒獄成三字慘人贖百身拚
如此風波惡于今墓草乾吟詩辭激烈弔古淚沈瀾雪窖春無
色刀環夢早殘中興殊藉藉北望總漫漫箕尾咸悲趙湖山又
罷韓老成驚共逝大節要同完日照中天白心留舊史丹關河
經百戰風雨有餘酸石鶴迷華表銀瓶墜井幹南枝吹不轉遺
恨滿林巒

三竺道中

白雲高臥無人行清秋已清天更清投林看下山鳥影曳杖去
尋田水聲偶穿松過忘九里喜與石遇談三生隔溪幽唱近復
遠牛背牧兒孤笛橫

西湖感懷

雲烟黯黯樹冥冥
閃閃歸鴉熒熒螢
故國可憐天水碧
好山依舊佛頭青
風前秋色紛搖落
眼底遨頭雜醉醒
聽罷權歌人已去
不知何處采芳馨

吳山秋眺

身在斜陽外
西風望眼醒
潮飛千里白
煙寫萬家青
入畫楓園岸
懷人雁滿汀
江湖正秋色
落葉不堪聽

蘭橋

山色皁亭一桁浮
林梢空翠落船頭
橋通小市響流水
竹遶數家生遠秋
人饌頗饒飯菜美
輸公不少繭絲投
相婆街裏斜陽滿
寫得丹青幾許愁

戴安進作
楊相笑稱

葛嶺二首

松竹叢中一杖支
行盤石磴到荒祠
青山蝴蝶飄仙蛻
丹竈蟾

蜍養肉芝作令要求勾漏好移家曾畫鮑姑隨飛泉落處生風
雨恐是龍歸古洞時

絕壁蒼茫石氣青舊時師相盛圖書小押壺廬印韜略高
談蟋蟀經白雁風來秋易冷襄城礮打夢難醒可憐徹夜笙歌
樂換得杭州曲子聽

湖上晚歸

一杵鐘聲晚寺催游船齊自斷橋回幾家傍水門初掩漁火生
時月未來

雲居聖水寺

聖水宋已名雲居逮元建合并始何年證之失僧券一門別宗
支二義了漸頓人語出濃青愈老松愈健寒光吹作雨頗訝老
龍噴憑高望江湖萬象納方寸斜陽山更山一一牖中獻和雲

坐蒲團就磐飽香飯禪師期後約欲發梅花願詩懶中峰酬母
笑宿根鈍

艮山野望同杭董浦先生

世廢

倪丈嘉樹

一擊

何春渚

現

黃相圃姚春漪黃玉階倪小迂孫竹虛

錫分韻

背郭山影低蒼蒼凍雲臥梯苔徑可覓踏葉寒乍破社宇有神
棲樵歌無鳥和疎林抱沙河一支瀉其左煙荒听草歇日落水
風大幾家閑閑門公事了漁課觀逝感歲遷翫物惜羽過肅然
聞松聲蒼鼠竄幾箇

讀明史十首

宛同泗上起真人一劍能收無道秦故里風雲資上將新朝禮
樂定儒臣屏藩廣樹心原悔厥衛前知戒早申太息韓彭誅戮
慘也教未造累黃巾

金川門外燕高飛三讓安能掩是非孺子幾曾煩赤舄先生竟
使殉麻衣抄同瓜蔓人何罪萌自椒聊禍有幾元武若知終喋
血早應神策正東闕

一擲沙場萬乘輕蒙塵大難起親征立君幸賴飴孫議返國翻
讐叔武迎史上幾人疑燭影殿中半夜起鐘聲朝衣西市功臣
戮榆塞招魂正議旌

閹逆纔除又義兒豹房稀幸漸邊陲主甘魚服危寧悔臣犯龍
鱗死不辭西內久應消礮火南巡無復見旌旗風流鄠杜張公
子地下應嗟把臂遲

引上神霄路渺漫京攸異代接朝端忠臣肯死輕蛇膽方士難
生諱馬肝丹藥荒唐求上壽青詞絡繹致高官蟲沙莽莽邊關
苦鸞鶴虛聞下醮壇

雲端閭闔閉沉沉陰壑磨牙虎豹吟名溷黨碑人玷石利窮礦
稅戶淘金釀成蠱氣憂何迫悔到輪臺禍已深相業江陵前日
事幾人末路格君心

宮鄰構禍起恩私委鬼茄花柄共持史縱能言聲亦淚天何此
醉問難知衣冠慘酷同文獄市井喧呼博浪椎七等爰書重論
定羣公碧血化多時

驚聞帝座掩星芒氣運安能挽彼蒼輦下諸公皆肉食眼前羣
盜太鴟張傷心有淚留遺詔披髮無聲叫大荒死節紛紛酬養
士不堪野老話滄桑

殘山賸水畫圖描錦繡牙旗意氣驕豈念金人辭北闕徒聞玉
樹唱南朝羊頭儘許侯封博峒角猶難黨禍消淚盡孤臣遺翰
在梅花嶺上夜魂招

興亡歷歷炳前符
史冊如陳帝鑑圖
水火外朝譚穴蟻
風雷北寺肆城狐
治分開寶機原捷
世數桓靈運早徂
一樣匡山波浪裏
幾人不負趙家孤

孤山探梅

曳杖逋仙墓下來
茫茫古意滿蒼苔
斷雲閒伴鶴無語
深雪不知花已開
山好祇今憐寂寞
影疎令我益徘徊
裏湖多少春風樹
未及詩人此地栽

渡湖至金沙港

理榜遵湖潯曉色
破漁鰾清遊踐宿
諾雲姿發高妙申
心述去歡矯首接
來眺秋光肅空潭
林氣表初曜波靜
無停煙沙明有遠
照眷彼褰香情復
此采菱調行行出
菰蘆隔渡數峰峭

遊韜光坐金蓮池上

躋險尋僧寮梯空健遊屣連山生夕陰竹翠涼十里江光乍西
迴嵐影忽東徙睇遠識因依窮高緬積累習覽居士詩妙語破
禪髓疎疎葛坼香裊裊藤抽紫空色寓煙蘿澄心悅花水欲果
獨往言逢巢會棲止

下天竺寺後尋三生石

下山路曲盤斜照滿苔迹崑然見雲根云是三生石三生夢迢
迢一水愁脈脈瑤華空自好明月易爲夕竹枝歌已殘何處駐
精魄問石石不言相思積遙碧

晚過集慶寺循普福而歸

暮天澹霞氣古徑吹陰煙披蘿識禪關踏草悲荒阡雲來展寒
帔花落飛遺鈿漆燈照香蛻夜伴狐狸眠南望十二陵冬青鬱
芊芊逢時顏色媚感往山河遷妻吟答遙吹哀響生流泉興盡

歸亦得頽陽已山巔

錢武肅王祠

憶昔披遺像家聲溯五傳重來瞻廟貌明德表千年功業垂諸
史英雄啟自天占星牛斗應覽鏡冕旒懸兵劫悲黃雀君身現
白蓮出奇堪決勝橫槊卽摧堅妖鳥終淪滅神龍信蜿蜒甘寧
雄騎吹王濬下樓船夜月吞沙出西風唱凱還椎牛歡父老友
錦豔神仙世兆金戈盛勲憑鐵券鑄朝廷尊尙父賓客聚名賢
我亦承餘澤因之採舊編詩書見文采戶口想殷闐震接三樓
外霜寒一劒邊東南資保障亭埃不烽煙海國爭輸賁江湖亦
避弦民心能共樂臣節在無愆報績常存祀褒忠特賜田祠堂
高入漢文筆大于椽慨念雄圖遠勤思警枕圓野花開陌上銅
彈拾階前山水清如此風雲氣颯然還鄉歌可譜將享奏神絃

癸巳正月十三日黃相圃招同人游祥符寺用東坡九

曲觀燈詩韻

門外走橋人逐伴幢前訪古客誰邀僧將十寶誇斯地我亦千金視此宵
蘇院惜無燈火照蓮臺尙剩劫灰焦坡仙去後繁華盡詩鬢翻愁雪不消

舍弟

錫麟

將有山西之役感今追昔愴然于懷成排律

一百六十韻

東南飛孔雀西北有高樓予季嗟行役吾身亦浪浮別離殊慘慘道路况悠悠
躑躑增新感徘徊數舊遊十年徒齒長一席共蒙求就傳欽盧植子朗弟同事
齊名愧薛收心交盟晦雨笑伴別薰猶居本青桐巷門通白水溝穿籬添苦笋種樹得甘榴
窄袖裁文錦單衣試綠褱童心魚逐隊兒戲馬離鞦韆草尋迷迭攜利

聽鷓鴣蠟珠沾作鳳棘刺幻成猴楮學層層刻冰教片片鏤家
駒爭賞識凡鳥息嘲啁如我宜安拙于時又孰尤涕零三獻璞
氣奪萬人骸桂碧難攀影槐黃慣灑愁妄期鳳足足安問鹿呦
呦不信花翻樣頻令矢脫鏤點徒勞鯉額齧自乏牛溲退避逢
秦舍歔歔泣楚囚危巢歸晚燕濁水老沉鱸歲月空磨鐵功名
底附疣幾番煩慰藉何處足夷猶蓉岸停文鵠楓亭控紫驪塔
顏稱慶忌祠古訪錢鏐雨水環衣帶羣峰秀冕旒湖光望超忽
艣唱極啞嘔紅樹干林畫青帘一幅秋魚羹銀蚨蝶酒乳玉蟬
游清供花前酌香分社後勑孱兵鴉蓋窄大戶兕觥觥隔座喧
呼拇分朋暗送闔眼花嗤醉賀口辯數談鄒羅綺當筵合筆琶
信手撈柳枝翻曲子水調換歌頭絳樹雙聲度霓裳一段偷有
時尋遂譜每愛答漁謳昨歲嚴陵路春風上瀨舟篷窗偕僕被

驛堠聽鳴杼竹色飛青雨潮聲捲白漚浮生幾蠟屐陳迹兩沙

鷗謝客荒亭劔先生大澤裘悲歌餘恨鳥風物媚潛虬泉石茲

堪賞衙齋到亦幽主人王儉府王與園明府賓客景差儔謂景差良吏無

如惠斯民喜不媿篠簜迎郭伋桑雉樂中牟寒江人添袴時和

婦采芣鳴琴消白晝聽鼓擁黃紬玉雪看賢子坐文章仗老謀

時聞鯉庭對豈有楚人曄一榻青苔冷頻年絳帳留爲師余有

愧結好汝相投粉墨供拈弄江山互唱酬催詩敲梵鉢分火煖

衣篝飯煮饔牙稻茶烹菹褐甌木瓜思蒼詣鳴鳥自搜遠敬業

交爲益論心兩不更友懷非泛泛客鬢太影影世網難終繼心

輪易轉轡本殊藩木雀肯作寄巢鳩小住爲佳耳當歸合去休

還家仍屢空賣字只輕售莫問東方米難樵翁子極廬將生飯

甑慙不到乾餠涸轍求升勺餘儲少豆區居常共蝸舍眠卽合

蚊幃計屈千房螭心窮五技螻歧途多坎壈渴病念臞臠

上年冬弟病瘵

配藥延榆枿驅疴詠髑髏弓將懸影解篋可刮膜瘰縱使全肌

肉從誰覓脯修艱難勞祖父涉歷尙亭郵兩艦移春潛晴帆轉

越州半生經古道垂老客諸侯菽水歡難得盤匱捧亦羞寸衷

藏耿耿往事抱恻恻先世承儒素家居絕謗訛患生巢自幕凶

甚壯于頄月黑驚魑魅雲寒喚鷓鴣刑書能刻骨曹吏只爭賊

餅市孤三尺楊根土一坏弁山園兀兀茗水繞洊洊藉有遺株

在重依徑寸床寒裳逃薜荔逸足出罝罌糠覈存殘喘瓜壺理

故邱漸能成戶口從此衍支流近代錢塘住方冬享祀修路經

棲水驛船泊仲家堦墓草莖猶綠絲衣色總紅同來澆麥飯相

與認松楸風雨廬堪蔽冰霜木有樛高曾遺耒耜孫子問田疇

夙願從南畝行歌答野叟桑梯隨樹靠秋水趁鋤耨葦箔看行

蟻蓑衣去飯牛迎貓因食鼠於鞠爲除蠹棧棧收薑芋騰騰刈
麥薶淳心安布帛奢願祝甌窶家可無離別人寧有競綵躬耕
良足樂識字始爲憂銳志驚懸蝨雄心樹撼蟬故人多戴笠空
谷罕鳴騶鮫客矜珠泣金夫恥瓦掘賤思邀貴賞寡欲藉多哀
殘夢迷蕉鹿游辭譽盾矛目幾迷步障音未悟筮篋每謂株難
守何時攄可標海風鵬翅壁塞草馬蹄蹂甘謝磨人墨翻勞引
箭疆相逢誰說項此去本依劉澤州劉太守序正當寒食時方過孟陬
水平挑菜渚香動賈花鑲桃髻窺牆亞楊絲踈地柔曉禽泥滑
滑新火焰焯焯偏促行裝早難憑好景勾載驅誠鹵莽所往幸
莊馮汾曲其民儉河東厥草蓀雁門通朔漠參次接奎婁九曲
羊腸坂千尋龍子湫谷名仍雀鼠關勢足貔貅兵甲時無警風
雲氣特迢寒郊響鈴鐸落日急簌簌處處田宜火行行野有芄

衣裝藤製笈劒具蒯爲緱險隘宜停騎波濤慎駕樓催愁輪
輓話恨鳥鈎輈未習風塵慣先經雨雪濖客程情黯黯村店臥
齁齁撥火銷無脚開餐上有抹倦童偎土銼疲馬戀樓簾夕宿
星搖穗晨征月挂毬晉祠應到矣風峪可經不莫厭藤蘿密煩
將金石搜經幢參梵夾譯字辨鞦韆相里求遺老沙陀問種酋
山川唐與晉著錄趙還歐過眼資淹雅當前費討蒐所貪無寶
貨卽此是琳球古蹟關興廢長途易逗遛才方需李石榻久待
周璆定有投膠合應勞借箸籌疎巾折烏角香幕捲青油道匪
逢時貴人期不我覲獨憐當渡樹望極倚閭眸甘憶羞飴蜜勤
思滌廁膾斑衣堆粲粲愉色寫悽悽孝在終身慕恭先一命僂
能賢眞汝羨有美亦誰併小別情難訴含辛目屢揉平生相友
愛何日致綢繆芳草吟康樂南山夢子由花開花落緩燕去燕

來稠鳳紙徒將意驪歌怕觸喉聯枝悅棠棣接翅豔鶻驚腸繞
九回轉詩成四角周雨簾垂寂寂風篠弄颼颼欲網傳書鯉相
思杜若洲

食蟹二十四韻

秋高稻登場露白葦被隄郭索時正肥橫行名不忝戟張待潮
回甲縮愁霧掩處穴亦善藏輸魁母乃諂江空幾輩出夜靜一
燈閃爬沙去蕭蕭入簞視睒睒牽蒲利用縛擁劍行就斂沫沾
筴箸多價入吳市儉活眼茗破煎繁聲松受颺及時俊味登留
客食單點看燈候尙遲洗手方預檢漉以井華澄蒸之糠火燄
添香配薑椒佐饌雜菱芡對菊影玲瓏泛酒波瀲灩螯強手慣
持膏膩指爭染碎紋壁虎斑圓蓋揭鬼臉紅鮮頰蛻珊瑚黑細面
著麝金瓢取中滿玉質泯內玷大嚼外骨堆細剔佳境漸分橙

袖觸馨擊鉢韻鬪險烹嗤蔡君訛瘡借秦客櫺尖團賞各殊糖
蜜味轉貶談深更屢催客去戶初居授柴寫餘聲月上蛾眉儼
登六和塔

攝袂振江風攬身上七重鬼神森戶牖雷雨逼虛空大地毫光
涌諸天鈴語通估帆看不盡吹過海門東

橫山道中

路轉江初盡陂高竹漸饒溪雲飛挾雨山葉走爭樵誓墓支猶
待誅茅隱孰招但聽行得得策蹇度危橋

送胡竹城渡江

西興渡口訪君鄰買酒須教破百緡如此秋光不能醉丹楓笑
殺過江人

聞雁

塞北聲初到江南客未眠懷人人不見吹汝落燈前

棲霞嶺

七十二蘭若安禪在此峰經聲多隔竹雲意不離松踏葉去時
誤聽樵行忽逢名山解留客嵐翠鎖重重

正月七日同黃相國岫雲上人過昭慶僧舍與家西林

先生穎芳茶話

東臯隱君子天竺古先生磬外招雲到林中共鶴行梅花人日
白春水裏湖清坐久茶頻煮微烟拂鬢輕

觀燈行同沈梅村赤然作

請停踏燈曲聽我觀燈行傳柑纔罷元宵宴連襪來游不夜城
一條軟繡吳山路行行不斷衣香度氤氲散作萬家煙縹緲聚
成三里霧銀花火樹層復層四圍簇擁明霞蒸途分寶馬香車

出價合南油西漆增銅街蹴踏喧塵土還往渾如迷處所竹騎
爭迎太守旗秧歌賭唱田家譜東風吹雲雲不行半天捲起皆
春聲樓頭幾處吹瓊管院落誰人奏玉笙玉笙瓊管朝朝聽此
度尤添少年興魚龍曼衍水如飛星斗盪搖珠不定美人家住
大道邊晶簾乍啟側花鈿貪看陣陣紅燈好要祝年年明月圓
年年難得豐登樂三五良宵及時約比戶通明坐層窗重闥詠
蕩開魚鑰武林舊事紀繁華舞隊依然南宋誇雪滾萬團蛾放
鬧雷轟十棒鼓催搥蟾蜍下與燈光并和月和燈千萬影徹曉
安知蠟燭灰燒空不許姮娥冷可耐笙歌散舞筵可堪羅綺歇
華年閨燈也慣杭州謔閨燈實錄
鄭虎臣撰買夜徒輸使宅錢清平官長同
民好豈料窮檐轉嗟悼枉教皮裏竭脂膏誰向田間照虛耗自
笑書生計已遲夢梁一枕醒方知卽看淚液銅槃後何異燐飄

蔓草時駢頭雁足紛何限
墻脚塵埋難到眼
回首朱門幾椀燈
此是中人十家產

丁家山觀桃花同項蓮峰朝萊作

尋源獨自到桃關
花氣多迷夕照間
寒食光陰宜白舫
春風顏色在青山
亭空古翠沾衣重
路轉明霞照眼殷
不待重來人面改
胭脂石上已斑斑

清明

野塘花落亂鶯鳴
春色園林綠漸成
深巷幾家插楊柳
薄陰連日爲清明
流連世態看分火
兜愁童心聽賣餠
我是常年逢冷節
新烟閒任水邊生

百步塘水月老人故居并序

出良山門外有塘曰百步
寒水相繞漁煙遠生
塘上有水月庵

卽水月老人故居也老人姓孫名文字文石號水月會稽諸生
隱于杭榜所居爲梅園性恬靜一介不取闕爲長短歌詞問其
年嘗稱九十髮盡禿人多以僧呼之瀋陽范忠貞公撫浙老人
曾從忠貞大父游時忠貞尙幼老人撫其頂曰是兒當建節吾
士吾猶及見之至是忠貞母太夫人言于忠貞遂物色焉久之
始得屏騶往謁談論數四捐俸爲建百步塘勒石紀之時西溪
多虎患老人與忠貞言每曰山頭大蟲任打門內大蟲休惹及
忠貞遷閩督老人又言曰耳後火發時須要有主意其後忠貞
竟死耿難老人素不喜與世事及是人以爲前知爭就之老人
益厭惡避去不知所終士人改其居曰水月庵尙老人若僧象
召緇徒奉之爲香火院王阮亭先生池北偶談稱之爲水月和
尙未爲無據暇日偕相國春漪過其地乃賦此詩

老人非隱尤非僧任呼牛馬我盡磨一椽棲托太平里太平無
事吾無能梅花開時自題句閒寫影疎香暗趣自有中丞騶唱
來一夕高風動行路大蟲門內勢已成耳後獵獵蒿火生海風
千里吹碧血老人乃得前知名山空木落老人去雲護柴門白
于絮老人不歸已百年春來人識栽花處老人老人神仙儔家
中但有衣冠留夜深無人鶴不語明月自在波中流茫茫水月
無留迹香火何人表幽宅懷古來尋百步塘論心爲證三生石
同黃相圃星橋昆季渡湖游慈雲嶺登鳳凰山絕頂尋
御教場故址下山經月巖值雨至勝果寺小憩復游梵
天講寺訪靈鰻井及錢王雙石幢際晚冒雨而歸得詩

四首

露白湖氣深葭水渺舫棹漁謳發清曉聲若在巖際叢樹秋不

晴涼翠自相翳
慈雲何處雲一角露新髻
臨水愛沿洞登山極
迢遞路從萬竹中轉入一條細
上上及翠微香氣雜松桂下視
前渡人樵販亂無次

豁然出山坳人影在空翠
江湖含縹緲萬里動秋思
其前御教場昔者屯女騎
君王樂燕閒兵戈託游戲
豈知跨驢人日灑中原
淚事往不可追夕照寒滿地
鳳凰亦何哀空山激松吹

前林答遙響飛雨沾我裳
雲煙所聚處但見竹柏光
古月隱薜蘿曾鑒興與亡
蟾蜍不自老桂樹何蒼蒼
勝果說人天金仙亦渺茫
我坐茗須喫我行筇便將
落葉下如雨不雨聲更忙
撥葉出門去四山但寒蛩

幽人行未已忽聞煙外鐘
鐘聲渡湖去煙色含雨濃
一犬吠客來一僧持衲縫
流連文字古共挂幢下筇
乾德之所遺苔已干

年封讀之惜未終寒雲斷諸峰靈鰻示神異天矯其猶龍吹水
散巖下膏沐明青松沿松取歸徑脚底泉淙淙

謝友人送蠟梅

今日蠟書到先將梅信傳清臞見黃面風味逼殘年淺水銅瓶
冷斜陽梵磬圓素心合珍重相賞酒尊前

答胡竹城

濕薪燃火煙塞屋詩人忍飢瘦于竹百糲一豆貧馬嘶韓幹悲
之爲畫肉故人憐我徹骨寒招我飲酒開心顏綈袍能令粟盧
煖不比狐貉徒爲看出門一里西湖口落日漁會挂楊柳與君
聯步唱新詩誰信家無米一斗君言子已登青雲明年去踏長
安塵長安公卿能識士子可自信非人云春風信肯吹桃李行
李區區須料理冷雁飢鳥啼向人感君急人如急已乞鄰不耻

微生高青錢一襍令我豪山妻治裝夜常午辛苦要我離蓬蒿
車馳馬驅人不少古木輪囷十圍老生珠之水生玉山欲往從
之何處好君爲我唱歸朝歡我答君歌行路難黃河北去沙漫
漫凍陰天地三日雪游子衣裳那得乾

有正味齋詩集卷四目錄

錢塘 吳錫麒 聖微

解褐集

鶯脰湖曲

練湖

舟泊丹徒同沈梅村遊通元觀登挹江樓作

渡揚子江

高郵

淮陰釣臺

驟車謠二首

南池謁少陵祠

太白酒樓歌

良鄉

寓楊丈硯南海藏書屋

燕京雜詠六首

春榜放後作

五月四日 乾清宮引 見館選恭紀

十九日被

命入 武英殿分校恭紀

呂紀畫鷹歌

七夕雨四首

蜀鏡詞

同張瘦銅舍人 填城南道院看菊二首

景州

曉發高唐

臺莊登舟作二首

虎邱

正月十八日飲高秋厓觀海宅時積雨初晴同胡竹城

金篠廬戒棟沈梅村潘亞江世鼎朱西厓應登分韻

曉過秀溪橋

月夜過鄒湖

水繪園看牡丹

下沙

青村港

蘆隱庵

夕泊楓橋

無錫舟中望慧山

奔牛道中

揚州四首

集寒香館聽林九標李吹鐵簫

隋苑行

和江橙里坊光福山中雨霽曉起書事

將還西湖盧竹圃謨招同朱二亭質餞余于寓齋分韻

二首

同胡竹城沈梅村潘亞江朱厓湖上看芙蓉分韻得

添字

雪中周澄源妹壻邀飲偶成

上元後小園梅花未開

雨中何春渚招同陸篠飲解元飛陳玉池明經鴻賓集

小山居觀紅梅作

假滿還京作四首

石門

月夜同陳玉池何春渚登慧山望太湖作

廣陵雨中管齋曰

清

招同閔蓮峰

華

陳古漁

毅

管平原

希寧

林鐵蕭方密庵

輔

葉詠亭

天賜

朱二亭汪劍潭

端先

家慕橋

晉

集彌勒庵分韻

同金棕亭教授

兆燕

家並山山長

珏

雨庵與竹溪

上人茶話

高郵

淮陰舟中曉雨

渡河

雨泊鄧家牖是夜水暴漲

泗亭

仲家淺

濟寧竹枝詞二首

東昌二首

臨清有感四首

獨流口

津門海船歌

三岔河

香河晚泊望隔岸遠山同舒古廉賦

有正味齋詩集卷四

錢塘 吳錫麒 聖徵

解褐集

鷺脰湖曲

煙蒼蒼水茫茫春風吹杜若香問前路阻且長思美人波中央
美人粧成明鏡裏清歌未斷行雲起片帆直指雲中來鷗夢紛
紛渡湖水思美人來何遲問前路行自知日暮相思千里遠明
朝又是長洲苑

練湖

春水環三面人家住竹溪舟師下帆去沽酒練塘西

舟泊丹徒同沈梅村遊通元觀登挹江樓作

大江東去水悠悠煙火千家繞郭稠客子登臨悲落日神仙居

處愛高樓春生紅樹三山迴書寄青天一雁留津鼓忽喧京口
驛峭風齊見布帆收

渡揚子江

斷渡颿風一宿留今朝安穩送行舟晴帆歷歷鳥同去春水茫
茫人欲愁近寺鳴鐘如上界高歌擊楫向中流澄江萬頃明于
鏡照我魚龍影裏遊

高郵

山抹微雲秦學士蘇門誰與敵才名思君我欲發高唱三十六
湖烟月生

淮陰釣臺

綠盡王孫草王孫竟不歸至今垂釣地惟有白鷗飛一飯終酬
母平生肯附豨烟波無恙在應羨子陵磯

驟車謠二首

鐸郎當輪輾輾前驟奔後驟逐風雪天寒驟欲哭來日大難泥
深沒足獨漉獨漉

朝行登高岡暮行涉河梁世途坎窞不可防往來遊子心悲傷
美人相望隔千里車輪只轉迴腸裏

南池謁少陵祠

玉露悲秋客麻鞋泣血臣古今推作者忠愛見詩人舊日南池
路祠堂芳草春不須嘲飯顆憔悴爲風塵

太白酒樓歌

玉京下謫飛仙人樓頭一醉三千春錦袍烏帽歸何處繡棋雕
題空自新雪花如掌穿窻牖安得一杯常在手白雲樓角水樓
前倒看青天插北斗高吟白也詩動我長相思古時月比今時

好照見狂歌被酒時。書生元元搖柔翰，安得隨君遊汗漫。縱博
壺邀玉女，投行沽佩解金龜。換倚闌日暮遙相望，雲車風馬紛
翱翔。嵩阿把臂丹邱隱，鑑曲論心賀老狂。東風吹開烟漠漠，軟
盪琉璃春一箔。縹緲凌虛跨白鼉，蒼茫對面招黃鶴。黃河如酒
從西來，那不壘麴成糟臺。十千莫論尋常債，三百須傾笑滿杯。
君恩遙遠沉香隔，異域飄流夜郎謫。人生頃刻異悲歡，此地依
稀戀魂魄。持觴盪盪招酒星，相勸莫放今朝醒。盪胷直接滄波
濶，洗眼全收岱色青。萬古才名孰能敵，但有此樓須此客。聽松
前度隱居笙，乘月他年羽衣笛。回首青山風雪間，謝公顏色可
追攀。騎鯨請送仙人去，汶水城南轡復轡。

良鄉

密塗轉涿鹿，繡水縈鹽溝。驅車遵故迹，策折何其修。陰寒積遠

激陽暉閨荒邱森森女貞木湛湛青瑤流懿彼葛王妃令節敦
千秋芳蘋薦瑤席神風肅珠旒白雲來何方能起山水愁名義
苟不飭閱世誠蜉蝣

寓楊丈硯雨海藏書屋

先生本高士人海此身藏老屋數間在落花三徑香論交到竹
石

先生寫松木竹石
爲海藏三友圖

有詠卽滄浪爲我清談久簾鉤下夕陽

燕京雜詠六首

辛苦研都十載來喜看 宮闕鬱崔嵬大東雲護龍身入古北
山蟠虎氣迴地近諸王連第宅天清太液見樓臺卽 今統馭
無中外圖畫朝元萬國陪

興朝人各効驅除何待崔苻鼎沸餘搆黨勢先沉白馬漏卽機
早伏多魚酒尋舊獄澆冤後僧識殘灰話劫初千古紫陽稱直

筆待修綱目續麟書

時館上有修明紀綱目之議

使者求書出

禁林儒生奉

詔起江濤賦知

帝賞凌雲意筆望臣輸畫日心萬卷長恩窺亦駭一藜太乙照
難任文章矢報休輕說忠孝須從六籍尋

吉語年年到 紫宸卽看井絡厭烽塵一軍猿鶴悲君子六月
旌旗仗老臣栗轉青天壽不易略通黃石決如神

虞庭聽報頑苗格干羽真勞舞七旬

樞庭事豈外人知雨露頻聞荷

聖慈方進衣冠稱醞藉贊皇文字合機宜賞兼勲格超階速捷
待軍書退食遲翻念西征諸將苦井鑒畢竟遜毛錐

功名無夢到旌旄意氣難消北地豪萬帳秋風盤馬健一臺落

日暎鷹高爐頭技癢因聞銃市上顏低爲賣刀聞道公卿多結
客可能延攬及蓬蒿

春榜放後作

驚雷一夜魚燒尾矯首龍門許共飛豈有奇文高輩行遙知喜
氣動庭闈嚴親憶遠方占夢老母憐寒欲寄衣今日天涯差慰
藉祇應游子倍依依

五月四日

乾清宮引見館選恭紀

御苑先期回

鳳輦

時駕在北苑以引見館選恭紀

新進士先一日進宮彤墀咫尺觀

龍顏何圖白屋單寒士得入丹毫點注間仙露飛來沾小草
天風引到卽三山祇慚未竟詩書業便許叨陪侍從班

十九日被

命入

武英殿分校恭紀

五月薰嵐拂玉除校讐身喜傍

宸居青氍舊是臣家物善本今窺

祕府書自愧冷螢光有限

敢矜落葉埽無餘花間每聽傳清漏

賜食鑾坡正午初

呂紀畫鷹歌

悄然月沒空堂黑古木槎枒陰氣塞森森霜雪逼肌膚漠漠烟
沙迷粉墨是何神物能絕倫落筆意已無風塵乍掀素練過如
影直掣金鞵立傍人林良死後良工絕紀也丹青得其訣峯尖
恰受爪雙拳草際但防睛一瞥是時星正瑤光流變化偶爾人
閒留俯視蒼茫羣壑接側身頽洞大江秋座中賓客齊傾倒重
剔銀燈看逾好鷲極方知態故閒神來偏訝形全搞細筋入腦
肉角生暗際鳥雀都無聲將軍颯爽英姿發俠士峻嶒俊骨撐

鬪雞走狗寧堪溷一出中原先騁健辟易同驚興霸鈴老饕不
讓廉頗飯胡沙九月塞草枯十里五里黃雲鋪大旗日落臺邊
瞭畫角風高榭畔呼羨君手握霜毫起寫出雄心匪形似三驅
直欲盡禽還一擊常懷不中恥疾惡如風世所無卽論用意豈
區區爪牙防衛需祈父梟獍驅除付到都功成狀爾收身早畫
者年年官已老金帛新恩荷寵褒興亡前事傷懷抱天鵝一曲
彈白翎戰爭未歇琵琶停廢苑渺瀰飛放泊閑坊寥落海東靑
工執藝事畫亦史那不禽荒警天子幾時聽諫匿懷中何日解
縹緲雲裏長楊羽獵今乃休奇毛莫向圖中求隔簾暖雨催耕
早飛入桃花化乳鳩

七夕雨四首

黃昏簷際送潺潺入耳如聞響珮環天上也吟神女賦催教暮

雨到大閤

節物空催笑。靨開匏瓜架下。濕雲堆兒。童戴得青荷葉。牛鼻浮涼渡水來。

堂前積水暗生瀾。咫尺紅墻欲到難。莫是銀河齊滲地。翻教天路一條乾。

鵲羽沾濡候渡河。倏倏惜惜夜如何。明朝驗取悽惶淚。灑向牽牛花上多。

蜀鏡詞

鏡徑三寸六分重十兩有半背作寶相花八盛捧雙魚海嶼之屬銘曰鍊形神治鑒質良工當眉洗翠對臉傳紅如珠出匣似月停空綺窗綺

幌俱涵影中凡三十二字小篆按張君房麗情集載蜀後主衍幸鳳州天雄軍節度使王承休妻嚴氏有美色衍愛幸之賜以粧鏡其銘云云

古鏡蒼涼秋一片。鏡中之人今不見。三十二字銘在陰。寫翠傳紅過如電。麗情記自張君房王家。阿婦承恩長菱花。但照顏色好不照國家。興與亡嘉王酒悲涕泗橫。諫書上者蒲禹卿眼前。

金鑑不知貴，乾德匆匆了。此行綺窗繡幌，都安在千里山河一
朝改。鸞鳳徒聞泣玉臺，蟾蜍已分沈滄海。土蝕苔侵，又幾時摩
挲。祇益後人悲蛾眉，夢斷狐狸穴。金盃人閒，那得知自從花落
芳林園，賸有鶉啼三趙村。莫笑武當山上鏡山精，獨自拜黃昏。

同張瘦銅舍人

填城南道院看菊二首

頽牆短短堆壞瓜，苔花斑斑落葉遮。道人獨立瘦于鶴，風帽一
枝秋色斜。

籬邊來往戀秋光，冷雨催人去太忙。我與黃花期後會，青菱紫
蠅作重陽。

景州

郵亭隨處感勞勞，搔首先愁欲二毛。雪沒短橋人認路，燈明小
店馬奔槽。寒杯醺醺傾難醉，貧女琵琶唱不豪。醒枕如聞洗兵

馬長風絕頂樹聲號

曉發高唐

荒雞號夜半疲馬嘶門前燈火出門去迢迢聞馬鞭寒氣積大
野陰雪生微烟峯頭月已沒三五星粘天漸有趁墟人出較林
鳥先行役劇辛苦負販無息肩冰霜同閱歷役役此百年誰爲
勞者歌風急聲吞咽

臺莊登舟作二首

耳根鈴鐸未全休眼底帆檣若薺浮十里水風寒撲面白鷗影
裏上扁舟

絕無人處艣聲過一路霜清縮後波貪喫鯉魚滋味好計程五
日渡黃河

虎邱

清流演陂池迴陽翳松柏湛然見瑤華千古此片石
秦孰凌
緬觀海眩竒迹猶想虎氣騰一劍割寒碧登臨感歲暮顧殊渺
今昔美人已逝波芳蕤闕靈宅樹禿雲自棲昔荒雨微積言諷
山樞詩曼來不能釋薄從鷗鳥遊聊與同所適老僧期未還烟
深一鐘夕

正月十八日飲高秋厓

觀海

宅時積雨初晴同胡竹城

金篠廬

成棟

沈梅村潘亞江

世鼎

朱西厓

應登

分韻

卽看梅樹易花飄忍不春杯及早邀過眼江山談往日落燈風
雨罷今宵酒人慣作浮雲笑豪士翻愁短燭燒羯鼓幾家猶未
歇檐前缺月不禁描

曉過秀溪橋

一鳥導帆去清溪幾曲過竹光因水淡柳色受烟多塵外吟招

隱風前聽伐柯惟應鷗鷺侶結賞在空波

月夜過泖湖

沙鷗熟眠不可呼明月欲出秋滿湖煙中割槳有人去但聞幽
響生菰蒲天空岸闊望無際倒浸幾點星模糊征衣颯颯風漸
緊涼宇蕩蕩雲先通銀盤浦上浪花頂萬頃盡化琉璃鋪虛涵
蒼藻透空洞淨洗耳目生清娛暗潮嗚咽蚓竅細遠樹蒙密牛
毛毳乘流東指海門近咫尺身似凌蓬壺馮夷悄恍弭遙節鯨
女倏忽馳明珠珠光水氣盪摩久夜闌變滅隨須臾僧鐘遠聽
發山寺林鶻驚起盤浮圖留人旅夢歸不得漁火一痕汀外孤

水繪園看牡丹

雲霞天借作花身玉珮斜翻綳幄新如此色香絕世平生富
貴不因人聞歌暗解欄前恨些酒濃酣夢裏春占得江南佳麗

地肯教輕染洛陽塵

下沙

日落青楊渡人來黃浦船春雲寒帖地海氣濕粘天就樹支鹽舍占花課木棉村巫方祭賽擊鼓社團邊

青村港

水轉村梢作勢寬檣停沙尾帶煙攢蘆碕日落蛙喧夕麥隴風生雉護寒歲熟比鄰筍社酒波長中路乞漁餐畫圖儘有倪黃筆莫但華亭一派看

蘆隱庵

一庵臨曲渚四面種青蘆山日暝將夕水風喧滿湖生涯幾餅鉢伴侶半鷗鳬招隱詩吟罷伊人定可呼

夕泊楓橋

客行難計程
艤舟又前渡
酒醒一聲鐘
月黑楓林樹

無錫舟中望慧山

身在水雲際
涼生衣上秋
九龍山不遠
吹雨到船頭

奔牛道中

眠色前山來
平林織烟縷
荒草長于人
牧兒臥秋雨

揚州四首

落日邗溝繫
客篷繁華世界盡
圖中春留歌吹
江城艷天富魚
鹽海國豐甘四
橋通來往近二
分月照古今同
紛紛騎到仙人
鶴多要他年志
寓公

曾傳西北有高樓
草滿苔荒問昔游
風軟錦帆迷殿脚
月涼水調咽歌頭
楊花吹去都如夢
螢火微來已是秋
惆悵鬬雞臺下
路相逢偏起故人愁

淚灑新亭拜表行
竟勞丞相駐蕪城
一軍轉戰傳箭四鎮喧
呼夜縱兵地洗烟花償小劫
人騎箕尾應前生
衣冠葬處梅開早
爭得南枝鐵骨撐
戎馬江山跡已徂
槐安眠夢感今吾
慙風澀雨錢刀會人影
衣香士女圖帝子樓空飛冷蠹
大儒坊古簇青蕪
宰官各有歐蘇慕一瓊
寒泉薦得無

集寒香館聽林九標

李

吹鐵簫

一聲飛怒鐵吹月出林
端木葉滿庭落碧空如水
寒龍吟清與憂鶴骨瘦同盤
吳市年年客孤心鑄出難

隋苑行

江南烟水浮空遠
流盡繁華去不返
扁舟昨夜向邗溝
千古傷心此隋苑
荒涼隋苑夕陽斜
彈指光陰記那家
苔綠祇憐埋翡翠

翠風寒無復唱琵琶阿麼當日爲天子別院離宮並雲峙翠華
有詔下江都一片香飛錦帆水玉姬空有諫書陳舊院蕙蕤閉
丙人洛北靡蕪徒寫怨江南楊柳自宜春楊花柳絮渾無數粉
氣脂雲迷處所長安閑殺羽林軍龍舟載得蛾眉女臨江宮殿
鬱岌巖畫箔晶簾貯阿嬌扇障半蟾森雉尾冠分百葉簇珠翹
朝來親御凝暉殿劍履羣僚共陪宴螭體麟脂照座明霜戈雪
擎依花見酒酣步上釣魚臺芙蓉鷗戲江烟開深宮不鑿貫魚
龍瀛海誰知赤鯉來年年行樂無時已一曲還催水調起廿四
橋頭簫管繁秋風早已生羅綺聞說新官又進圖連綿複道盡
金鋪粧臺巧製翻荷髻寶帳高懸照夜珠自古女戎能召禍荒
淫從此人間播春燈小市賣紅羊夜色欄杆放螢火隨藍吹散
梵王筵舊夢空尋幾率天撫頸最悲青鏡照此生竟付白龍纏

蘭心蕙質如煙滅杜宇無聲暗鳴咽遠岸山堆五斛螺荒臺花
染千年血花影山光似電移珠襦玉匣悔應遲至今清露梧桐
下誰見凭肩私語時蓬萊方丈無人主牧豎徒來拾釵股弔古
龍啼禪智田埋愁草滿雷塘路迷雨迷雲暮復朝煙花南部總
蕭蕭二分剩照揚州月萬感難消胥母潮

和江橙里

昉

光福山中雨霽曉起書事

宿雨淨洗琉璃天鳥聲催醒幽人眠林端已放一梢日花外不
知何處煙螺髻盤盤擁涼翠瓶笙格格烹新泉吟詩如在香雪
海名山有約期他年

將還西湖盧竹圃

謨

招同朱二亭

質

餞余于寓齋分韻

二首

日落聞寒雁波荒老白蘋還家翻惜別識字敢辭貧生計饒齋

籍狂名誤酒人煙波同夢寐預要卜鷗鄰

尙憶荷花候相逢在竹西及茲垂柳盡重聽暮鴉啼歲月消奔
走江湖重品題冰霜知有日珍重此杯携

同胡竹城沈梅村潘亞江朱西崖湖上看芙蓉分韻得
添字

湖風一棹鏡開奩花上新霜昨夜霑寒木吟成人已去折枝畫
出鴨須添寒粧容易顏頻換醉貌分明酒不嫌惱殺老漁頭盡
白移船獨自賞蒼兼

雪中周澄源妹婿邀飲偶成

如此團園曾都驚老大身友朋同學少兄妹兩家貧鰥寡憐鄉
味冰霜感旅人卽歸能幾月珍重笑言親

上元後小園梅花未開

憶曾相見此垂垂那不春風日夕吹明月生初難得影青苔立
久若爲思繁華易老多方惜冰雪能禁獨出遲看到一枝香意
動前村定是落花時

雨中何春渚招同陸篠飲解元飛陳玉池明經鴻賓集

小山居觀紅梅作

茅屋曾從畫本看

春渚有小山居圖

買春更約玉壺寬名花留殢三分酒

好雨攪和半晌寒簷溜急於傾鑒落香光濃欲壓闌干詩人北
郭他年憶合例南湖上將壇

假滿還京作四首

君恩期汝報老父促行裝白髮靡能健青雲故自望水聲流鼓
吹山影轉帆檣鄉樹重重合回頭已夕陽

藤蘿虛皓月松菊老荒園舊業餘書卷貧家仗弟昆白鷗懷浩

蕩春艸夢黃昏蓬巷何人訪今宵早閉門

師友傷零落西風又一年不教門立雪多見玉成烟淚爲千秋

灑文應萬口傳只應燕市笛愁聽酒壚邊

座主林香海先生於去年捐館同年家純清翰拱沈現香桐修

亦先後
祖謝

去去三千里依依十二橋峭帆吹日夜旅夢越風潮魚信期前

路鷄鳴夢早朝江南兒女憶尺五卽

雲霄

石門

春事已將盡樹陰猶薄寒蠶忙今月始

田家以四月爲蠶忙

桑色野人看衣

被衡茅急徵催胥吏寬猶聞戴勝鳥辛苦訴多端

月夜同陳玉池何春渚登慧山望太湖作

巖梯千級躡荒苔月照林扉豁達開頭上松聲青丙落鳥邊湖

氣白虹來髻鬟縹緲堆三面星斗蒼茫浸一杯恍惚神靈相揖讓且應見我立崔嵬

廣陵雨中管齋曰

詩

招同閔蓮峰華

陳古漁

穀管平原

希寧

林鐵簫方密庵

楠

葉詠亭

天賜

朱二亭汪劍潭

端

光家慕橋

集

彌勒庵分韻

渡江三日日日雨篷底瑟縮如眠蠶衝泥爲踐故人約竹轎輶
輶來茆庵木瓜樹大陰蔽牖間雜涼氣紛松栴相逢主客似圖
裏濃綠一色須眉含僧廬不設米汁戒彌勒與我應同龕櫻桃
勾圓新筍脆到眼風物誇江南羣公此地有根著却今遊子心
懷慚花開花落春已去馬絲禪榻吹鬢髮燕雲越樹兩隔絕揚
州之夢吾焉貪詩壇龍虎老輩在燒燭但愛今宵談今宵有酒
飲且酣明朝離別情何堪曉鴉忽起雨聲歇落落晨星見兩三

同金棕亭教授兆燕家並山山長珏過秋雨庵與竹溪

上人茶話

香門來往認杪樵徑曲池平句屢哦竹樹老蒼意少蓮花清
淨苦心多游仙已誤人間鶴聽講先馴座下鵝落日登臨何處
望諸天杳杳隔藤蘿

高郵

勝會文游句僅傳珠光璧社見何年古今來往秦郵月南北縱
橫楚沓烟野水魚龍通蟄穴亂帆商估急征船登樓我爲蒼生
感高浪平看已拍天

淮陰舟中曉雨

參差密樹映清淮絡繹飛帆過釣臺雨挾涼聲隨浪去雲分曉
色渡河來下流盡甃千家龍極浦蛟龍一道雷自笑老生談不

厭何時保障起良才

渡河

東望連齊魯滔滔送客程日高騰濁浪風落走虛聲舟楫期同濟魚龍亦避行射陽城不遠回首亂雲橫

雨泊鄧家牖是夜水暴漲

閃閃金蛇飛森森銀竹立千艘爭泊所篙艣力不及得命傍懸厓敢惜衣裳濕徬徨坐達旦一望失原隰濤驅沙石徙林捲魚龍入百室幾漂搖餘生寄呼吸天公未拗怒雷殷四山急亮無黃鵠羽益凜魚腹泣吾知造化仁爾輩徒岌岌風雲無定蹤瞬息自收拾林杪朝陽升茅茨亟修葺

泗亭

列岫森彭門迴風盪泗水真人昔魚服大度表鄉里歛魄素靈

藏承符赤曜起收秦見銜壁馘楚無費矢稜威播區陬炎德受
圖豐綿蕞緬禮興戎亭脊戈止時來奮英雄事往思壯士荒波
閃餘明故蹟標桀峙雲氣碣山歸落日照猶紫

仲家淺

鳬雲吹欲落嶧雨晴不飛萬柳絲無次高低隱斜暉其上仲子
廟俯瞰漁家磯廟前曬破網牆上堆蓑衣云是其子姓百代猶
相依慚余負米人輕自離庭闈願言訴懷抱不見劒佩歸天暝
木風大月上人影稀安得農丈人雞黍慰我飢

濟寧竹枝詞二首

夾河楊柳綠生烟八閘估櫓高接天郎心去似下閘水妾意愁
如上閘船

妾家矮屋青漆闌門外棗花日日看不解湖心采菱曲只唱林

中打棗竿

東昌二首

南北檣帆繞堞攢望來烟火信殷繁千年俗表齊風大六月雲
連嶽氣寒遠道飛芻方絡繹人生行路本艱難連朝待牓淹留
久慚愧青天一羽翰

西風笳鼓動城隈此地真須控制才淝水一支微子國夕陽終
古魯連臺防秋力殫金隄塞剗亂心傷戰骨堆聽到胡僧談往
事昆明原有劫餘灰

臨清有感四首

曾是殷繁地驚心灰燼餘突難防檻獸殃竟及池魚白首人傷
亂黃紬吏養疽庾冰先自遁宛轉柰蓬蔭

子攻徒山賊孫恩豈水仙動誠知蠶爾聚卽可殲旃艸莽爭傳

箭花門各控弦由來忠愛意思賤最能先

聞道將軍出思申捷伐威崑岡經力挽礮火息狂飛旋見沙蟲
化終令戶口歸愛民吾輩意痛定淚沾衣

帆檣仍此泊市肆竟能稠雨洗干戈氣風生草木秋恭承

天子聖

恩被小民周漸養瘡痍起羣公幸好籌

獨流口

秋色和帆葉隨風下獨流河聲淇水合柳色夕陽留萬戶炊烟
動千年兵氣休三關西去路無復入邊愁

津門海船歌

大沽小沽波汨汨千檣萬檣高刺天相鳥銜旛空際旋縹緲欲
赴蓬萊烟船頭海賈袒兩肩南從閩粵歸幽燕巨壘遠蹠凌八

埏東方紫泥衣屢煖昨年漂榆帆乍懸一針鴨綠浮齋漆仰空
蕩蕩迷星躔神燈雙導南風便火輪碾上扶桑顛天雞叫醒蛟
妃眠沙邊島嶼鬢髻妍雲中宮闕珠貝鮮收洋打鼓聲闐闐以
爾車來我昨還鳩留喜結仁者緣華髮樂受天宮塵眼眩百貨
紛填駢流離珂城光揚焰空青鉢鞞綵互纏金銀氣塞不得前
下風時亦腥龍涎枯槎冷笑張家驀招搖一葉翩乎翩百色妖
露戲我前海童膏路小髻偏天吳蝸象爭蜿蜒性命甘博黃金
千今年十船九不還桑田不變變墓田同行火伴魚腹填歸來
涕泗垂漣漣吁嗟此事聽可憐收之桑榆寧爾憇我有學海尋
無邊卅分之城卜築堅暨乎歸墟同一淵中間穩划多寶船珊
瑚可網石可鞭金丹不用燒凡鉛沃其膏者壽彭錢曷不從我
歌遊仙

三分河

衛白交流水怒盤積雲散盡海天寬
津門樹色三沽遠碣石秋風萬里寒
清濁不聞歸壑異隄防始信導河難
千年亘于航邊路陳迹無多少照殘

香河晚泊望隔岸遠山同舒古廉賦

朝塗理輕輶夕渚弭孤榜霞照已西馳
戀情忽東往紫翠通百盤烟靄鬱萬象
結翫赴空明流觀極俛仰聯愁釋初懷
冥色媚餘賞細彼猿鳥蹤復此薜蘿想
雲停美人來露積華月上藉性寄歡歌
前巖共清響

有正味齋詩集卷四終